

Bil. S 58

PERLEMBAGAAN NEGARA BRUNEI DARUSSALAM
(Perintah di bawah bab 83(3) dan (5))

PERINTAH PERBEKALAN TAMBAHAN (2002) (BIL. 1), 2002

BAHAWASANYA Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam dengan satu Pemasyhuran Darurat bertarikh 22 haribulan April, 2002 telah mengisytiharkan satu keadaan darurat dalam seluruh Negara;

DAN BAHAWASANYA adalah dipersyaratkan oleh ceraian (3) dari bab 83 dari Perlembagaan Negara Brunei Darussalam, bahawa apabila satu Pemasyhuran telah dibuat dan selagi Pemasyhuran itu berjalan kuatkuasanya, Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam bolehlah membuat sebarang Perintah yang Baginda fikirkan perlu bagi kepentingan awam;

DAN BAHAWASANYA adalah dipersyaratkan oleh ceraian (5) dari bab 83 dari Perlembagaan Negara Brunei Darussalam bahawa kuasa-kuasa tersebut akan termasuk kuasa membuat peruntukan kewangan yang boleh jadi diperlukan di sepanjang tempoh darurat termasuk peruntukan bagi perkhidmatan awam;

DAN BAHAWASANYA satu jumlah wang empat ribu, dua ratus lima puluh tiga juta, tujuh ratus lapan puluh ribu dan tiga ratus tujuh puluh enam ringgit (\$4,253,780,376.00) telah diperuntukkan oleh Perintah Perbekalan (2002), 2001;

DAN BAHAWASANYA adalah sekarang perlu untuk mengadakan satu peruntukan tambahan sebanyak dua belas juta, satu ratus lapan belas ribu, lima ratus lapan puluh tujuh ringgit dan sepuluh sen (\$12,118,587.10);

SEKARANG, DARI ITU, dalam menjalankan kuasa-kuasa yang diberikan kepada Baginda oleh ceraian-ceraian (3) dan (5) dari bab 83 dari Perlembagaan Negara Brunei Darussalam, Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam telah membuat Perintah seperti berikut —

Gelaran.

1. Perintah ini bolehlah digelar sebagai Perintah Perbekalan Tambahan (2002) (Bil. 1), 2002.

Perbelanjaan tambahan bagi tahun 2002, memperuntukkan dan penggantian jumlah wang yang didahulukan dari Kumpulanwang Gagasan.

2. (1) Pengeluaran sejumlah wang yang tidak melebihi dari dua belas juta, satu ratus lapan belas ribu, lima ratus lapan puluh tujuh ringgit dan sepuluh sen (\$12,118,587.10) dari Kumpulanwang Yang Disatukan bagi perbelanjaan pelbagai

perkhidmatan yang ditentukan dalam Jadual untuk tahun 2002 yang tidak diperuntukkan atau tidak sepenuhnya diperuntukkan oleh Perintah Perbekalan (2002), 2001, adalah dengan ini dibenarkan.

(2) Wang tersebut adalah diperuntukkan bagi tujuan-tujuan seperti yang dinyatakan dalam Jadual.

(3) Penggantian jumlah wang yang ditunjukkan dalam ruang ketiga bagi jumlah wang yang ditunjukkan dalam ruang keempat dari Jadual ialah jumlah-jumlah wang didahulukan dari Kumpulanwang Gagasan yang diadakan di bawah ceraihan (1) bab 10 dari Perintah Perlembagaan (Peraturan Kewangan), 1959 adalah dengan ini dibenarkan.

JADUAL

[1]	[2]	[3]	[4]
Tajuk	Gelaran	Jumlah Yang Diperuntukkan Kepada Tajuk	Penggantian Pendahuluan Dari Kumpulanwang Gagasan
		\$	\$
	JABATAN PERDANA MENTERI		
S.A12	Polis Diraja Brunei	\$200,000.00	\$200,000.00
S.A14	Suruhanjaya Perkhidmatan Awam	\$325,063.00	\$325,063.00
	KEMENTERIAN PERTAHANAN		
S.B3	Unit Simpanan Gurkha	\$126,622.00	\$126,622.00
	KEMENTERIAN HAL EHWAL LUAR NEGERI		
S.C1	Jabatan Kementerian Hal Ehwal Luar Negeri	\$498,098.00	\$498,098.00
	KEMENTERIAN KEWANGAN		
S.D52	Perkhidmatan Rampaian	\$7,294,117.50	\$7,294,117.50

JADUAL – (Sambungan)

[1]	[2]	[3]	[4]
Tajuk	Gelaran	Jumlah Yang Diperuntukkan Kepada Tajuk	Penggantian Pendahuluan Dari Kumpulanwang Gagasan
		\$	\$
	KEMENTERIAN HAL EHWAL DALAM NEGERI		
S.E10	Jabatan Imigresen dan Pendaftaran Kebangsaan	\$870,686.60	\$870,686.60
	KEMENTERIAN PERHUBUNGAN		
S.N4	Jabatan Penerbangan Awam	\$210,000.00	\$210,000.00
S.N7	Jabatan Telekom	\$2,594,000.00	\$2,594,000.00
		<u>\$12,118,587.10</u>	<u>\$12,118,587.10</u>

Diperbuat pada hari ini 1 haribulan Syaaban, 1423 Hijrah bersamaan dengan 8 haribulan Oktober, 2002 Masihi, di Istana Nurul Iman Beta, Bandar Seri Begawan, Negara Brunei Darussalam.

KEBAWAH DULI YANG MAHA MULIA
PADUKA SERI BAGINDA SULTAN DAN YANG DI-PERTUAN
NEGARA BRUNEI DARUSSALAM